



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioan. Petri Maffei, Bergomatis, E Societate Iesv,
Historiarvm Indicarvm Libri XVI.**

Maffei, Giovanni Pietro

Antverpiae, 1605

Melchior Nvnnes Societati Iesv In Lvsitaniam.

urn:nbn:de:hbz:466:1-11473

piat. Vos, quando tam præclarum opus cernitis inchoatū, Dominum obsecrate, vt vos in hanc mittat prouinciam; etenim omnium quotquot in vniuersa barbaria vidi populorum, cum nullo prorsus, quàm cum Iaponio melius opera ponitur. Ego 15. Kal. Nouembris anni 1553 inde discessi. cū ad Sinarum littus appulisset, & de Xauerio certi aliquid nosse magnopere cuperem: 4. Non. Decembris anni 1552 eum è vita migrasse cognoui. Reputabitis ipsi quàm grauitè ea res me perculerit. veruntamen ipsius me commodo consolabar. O prædicanda quæ per hunc seruum Dominus gessit: sed ego illa silentio nimirum idcirco prætereo, quòd indignum me, qui narrem, existimo. Eadem in insula, in qua ipse diem suum obiit, (ea confragosa est admodum ac sterilis) ego diebus septem octòve substiti: vidi etiam sepulchrum, ex quo cadauer eius extractum est. Illius industriam, patientiam, alacritatem in laboribus, Dominus noster omnibus nobis impertiat. Hæc ad vos de rebus Iaponicis eo scripsi: vt interea dum in partem laborum venitis, operarios, qui in ea insula versantur, vestra precatione adiuuetis: obtestor etiam vos, fratres mihi carissimi, vt vestris in sacrificiis precibusque mei memores sitis. Goa, 1554.

De morte & sepultura Xauerij.

MELCHIOR NVNNES SOCIETATI
IESV IN LVSTITANIAM.

Mense Maio anni post Christum natum 1554, cū in Iaponem Goa discederem, scripsi ad vos de obitu Francisci Xauerij: & simul hæ prouinciæ quantopere Societatis nostræ subsidiis indigeret: & quibus adductis rationibus ego protectionem Iaponicam suscepissem, exposui. Epistolam Cocini reliqui Francisco Peresio, vt is eam ad vos perferendam curaret. Nunc ea, quæ sunt deinceps consequuta, narrabo: vt quoniam nos vnus omnes amor vnum efficit corpus in Christo, idem pariter omnes in eodem spiritu sentiamus: & vt ait Apostolus, si patitur vnum membrum, compatiantur & reliqua: si gaudet vnum, reliqua membra congaudeant. A Cocino Malacam versus profecti, ventis aduersis ac tempestatibus primum, deinde etiam aquæ & comæatus inopia oppressi, crucem aliqua ex parte cepimus experiri. quanquam in horum difficultatibus nihil molestius, quam more dispendia, ferebat;

Profectio Melchioris à Cocino Malacam.

ferebamus, verentes, ne exclusi temporibus, nequaquam hoc anno in Iaponem nauigare possemus. Spes enim (vt inquit sapiens) quæ differtur, affligit animam: & desiderium, ni compleatur, excruciat. Inter nauigandum occupationes Dei benignitate non defuere: concionando, confessionibus audiendis, litanis præterea concinendis, diuinæ rei citra consecrationem faciendæ operam dedimus. Exponebatur etiam Christiana doctrina quotidie, & ex Actis Apostolorum aliquid legebatur, vt ipsorum exemplis animaremur ad ea quæ impendere videbantur ferenda. Malacam vt ventum est: dum naus ægre paratur, qua in Iaponem vehamur: idonea ad nauigandum tempestas effluxit. Quo circa exarmato nauigio, ibidem hyemare coacti, etsi dolorem animo cepimus, in diuina prouidentia nihilo minùs acquieuius.

*Ferdinã-
dus Men-
dozius.*

Multum in hac terra Ferdinãdus Mendozius frater noster (quem Prorex Indiæ ad quendam ex Iaponiis Regibus in primis potentem cum armis pretiosis aliisque admodum magnificis muneribus mittit) exemplo vitæ ac virtutis ædificat, incolis notus, nimirum apud quos olim, dum in seculo versaretur, diues in primis ac beatus est habitus. Nunc eum vident omnia, quo meliori pareat Domino, reliquisse; quiq; antea conuiuari apparatus & opiparè solitus fuerat, eum nunc leuidensâ attrita ac lacerandum, ostiatim eleemosynas emendicantem aspiciunt: inque hospitali domo ministrantem ægrotis, qui, vt eos vel inuiseret, quondam adduci nulla ratione potuisset. Hac intuentes, mirantur videlicet, & incipiunt credere maius aliquid post mortem superesse, atque etiam reperiri in hac vita, qui inopiam diuitiis, honoribus ignominias, austeritatem vitæ laboremque deliciis anteponant, qui mundum vnâ cum omnibus eius vanitatibus crucifigant, vt Christo nudo eidemque crucifixo deseruiant. Hac illi pictura, quippe quæ spirat viuitque, vehementiùs multo, quam subtilibus, quas minimè capiunt, theologorû argumentationibus, permouentur.

Nos, Deo volente, Aprilis mensis initio insequentis anni 1555 Malaca Iaponem versus proficiscemur. nauigium nobis, quo Bungum vsque deferamur, Antonius Noronia regij præsidij præfectus attribuit. Bungi Balthasar Gagus commoratur hoc tempore: ex ea vrbe ad omnium illarum

rum nationum conuersionem aditus patet. Rex ipse Bungi sanè quàm dicitur esse ad Christiana sacra propensus, sed oprimatum in se conuersionem timet, itaque expectat, dum ex iis aliqui baptizentur. Vos apud Dominum fratres, precibus enitimini, vt gratiæ suæ res huius cordi Regis instillet, quo Christi nomen palàm non dubitet profiteri. Profectò enim ad religionem insula tota disseminandam, ea res momenti plurimum afferet. Nobis, ij qui in Iapone fuerunt, ad cetera multa pericula, insectationes, calumnias Bonziorum, qui sacerdotes insulae sunt: magnam præterea famem, ac sitim, frigusque denuntiant. Veruntamen æterna Dei bonitas facit, vt famem eam sitimque, & vexationes, inferni cruciatibus æquo animo præferamus, parati, oppositu corporis, tela, quæ ab inimicis in animam contorquentur, excipere: quæ magis magisque corporis ipsius afflictionibus & laboribus roboratur. quippe quæ, falsa testimonia, famem, sitimque, & fatigationes, quæ in carne patitur, cum felle, & aceto, clauis, spinis, & ignominiiis Christi conferens Redemptoris, gloriari discit in cruce, in fame saturatur, inebriatur in siti, in contumeliis & iniuriis triumphat, intelligens animæ salutem, animæ iactura parandam. itaque in morte vitam, in laboribus requiem, in infamia decus, in cruce gloriam, in probis bonæ conscientie testimonium, in mœnore denique lætitiā reperit.

Christiana res Dei benignitate quàm feliciter administratur in India, Sociorum, qui que Goæ qui que ceteris in præsidis Malucæ versantur, litteris cognosceris. Ex insulis Mauro & Amboino accepimus litteras, earum summam ad vos mitto, & simul formam Sinensium rerum descriptam: quo intelligatis, quàm miseranda res sit, ingenii natura tam bonis, ea que supra naturam sunt, in edificata non esse: nec sanctissimam Christi fidem plantis insitam iis, in quibus, vt videretur, adeò cresceret. Granum frumenti ipso in aditu Sinarum mortuum est, & cecidit, fratres, noster nempe Xauerius: nimirum, si ad metendum accesserimus, spicas ex eo vberes, volente Domino, colligemus. Malaca, Pridie Non. Decemb. 1554.

ARIAS

Rex Būgi ad fidem propensus.

Sociorum animi ad crucem ferendam parati.